



فكرتك ليك... متخليش
حد يسرقها!



كل فكرة عندك ليها تمن... واحنا
هنا عشان نعرفك إزاي تحميها!



دور المكتبة في حماية الملكية الفكرية:

✦ عدم السماح للعاملين بالمعهد بنسخ المصنفات المحمية بحقوق المؤلف/ او الناشر (كتب، مؤلفات، مراجع، الخ) بما يشكل اعتداء على حقوق المؤلف او الناشر.

✦ يسمح لطلبة المعهد بتصوير 15% فقط من مجمل اي كتاب أو مرجع متمتع بحماية رقم ايداع محلي او دولي (ISBN) لأغراض الاستذكار والبحث ولا يسمح بتداول هذه النسخة الشخصية سواء كانت ورقية او الكترونية.

✦ يسمح لأعضاء هيئة التدريس والهيئة المعاونة بعرض المواد التعليمية المنقولة من أجزاء محددة من المراجع العلمية او الدوريات العالمية المتوفرة في المكتبة او المواقع الالكترونية او البرامج التليفزيونية في قاعات التدريس للأغراض التعليمية شريطة ذكر اسم المؤلف وعنوان المصنف.

✦ يجوز لمكتبة المعهد تصوير نسخة واحدة من اي مصنف لغرض الحفاظ على النسخة الاصلية المفقودة او التالفة التي يصعب الحصول على نسخة بديلة اخرى لها.

✦ وضع ارشادات للمتدربين على المكتبة لمراعاة التزامهم بالقواعد المنصوص عليها في القانون رقم 82 لسنة 2002 الخاص بحماية حقوق الملكية الفكرية مع عقد ندوات وورش عمل لنشر ثقافة حقوق الملكية الفكرية واهميتها وضرورة الالتزام بها.

✦ يقوم المعهد بنشر الوعي بالقواعد والقوانين المنظمة للحفاظ على حقوق الملكية الفكرية والنشر بين اعضاء هيئة التدريس والهيئة المعاونة والطلاب والاداريين وذلك عن طريق توزيع هذا النموذج ووضعه على الموقع الالكتروني للمعهد.

✦ للمؤلف الحق في التصرف في نسخته الاصلية من المحتوى الذي ألفه وتحديد شكل وطريقة وميعاد إتاحتها للجمهور.

✦ يلتزم أعضاء هيئة التدريس بالإشارة الى كل المصادر التي تم الإعتماد عليها في إعداد مؤلفاتهم التي يتم توزيعها علي الطلاب.

إعداد فريق عمل المكتبة

تواصل معنا:

library@sva.edu.eg



عشان تحمي فكرتك لازم:

1 تثبت ملكيتك للفكرة أو الشغل:

- لو عندك مشروع، بحث، تصميم، أو ابتكار:
- لازم تثبت إنه أنت اللي عملته.
- احتفظ بنسخة من الشغل بتاريخ واضح.
- استخدم إيميل المعهد أو أي وسيلة رسمية لإرسال العمل (يبقى دليل).

2 سجل في وحدة الملكية الفكرية (لو موجودة)

- بعض المعاهد أو الكليات فيها مكتب أو وحدة مسؤولة عن الملكية الفكرية:
- روح لهم وقدم وصف لفكرتك أو مشروعك.
- هيساعدوك تسجله بشكل رسمي، أو يعرفوك خطوات تسجيله خارجيًا (زي في مكتب براءات الاختراع).

3 اطلب حفظ الحقوق داخل المعهد

- ممكن تكتب طلب بسيط أو استمارة فيها:
- اسمك
- عنوان العمل (اسم المشروع أو الفكرة)
- وصف مختصر
- تاريخ التنفيذ
- وتقدمه للإدارة أو المشرف الأكاديمي.

4 اتفاق بينك وبين المشاركين

- لو في أكثر من شخص شغال معاك في مشروع:
- اتفقوا مين له الحق في إيه.
- لو في حاجة هتتقدم باسم الفريق، اتفقوا تكون الأسماء واضحة من الأول.

5 استخدم وسائل رقمية لإثبات الملكية

- لو الوحدة مش موجودة في المعهد:
- ابعت نسخة من شغلك لنفسك على الإيميل.
- احفظ الملف على Google Drive بتاريخ واضح.
- أو اكتب اسمك وتاريخك على كل صفحة في المستند.

6 تعمل تسجيل رسمي خارجي (اختياري)

- لو عندك اختراع، تصميم، أو شغل كبير:
- ممكن تروح تسجله في الهيئة المصرية العامة للملكية الفكرية، أو مكتب براءات الاختراع.
- المعهد ممكن يساعدك في ده لو عنده اتفاقيات.

التصاميم الصناعية

يعني لو عملت شكل أو تصميم مميز لمنتج (زي شكل موبايل أو عبوة)، التصميم ده بيتسجل ويحمي من التقليد.



الأسرار التجارية

يعني لو عندك معلومة سرية زي (وصفة أكلة أو طريقة شغل معينة)، تقدر تحميها من التسريب من خلال السرية والاتفاقيات.



الأسماء التجارية والمراجع الجغرافية

يعني اسم مشروعك أو شركتك، أو لو منتج جاي من مكان معين، زي: "قهوة كولومبيا" أو "جينة رومي مصرية" بتسجله علشان تمنع أي حد يستخدمه أو يقلده.



ازاي أحمي فكرتي؟

يحيى عبد الفتاح هزاع كان ضابط فني متقاعد من هيئة السكك الحديدية اخترع مزلقان سكك حديدية إلكتروني علشان يقلل الحوادث في المزلقات قدم اختراعه لوزارة النقل، وقال إنهم استولوا على الفكرة، وطبقوها في مزلقات كتير في محافظات متعددة بتكلفة عالية جدًا، رغم إنه هو قدر إن المزلقان يكلف حوالي 250 ألف جنيه فقط.

طبعا تصدم، وحس إنه اتسرق مش بس ماديا، لكن كمان أدبيا، لأن محدش ذكر اسمه ولا إداه أي حق من الحقوق. ما سكتش وراح وقدم شكوى، ورفع الموضوع للمسؤولين، ولأكاديمية البحث العلمي وبعد سنين من المطالبة، لجنة التظلمات في الأكاديمية اعترفت بحقه، وقالت إنه صاحب الاختراع فعلا، وإنه اتعرض للظلم. مش بس كده، جامعة عين شمس كمان كرمته، وكلفتة إنه يشرف على رسائل ماجستير ودكتوراه في نفس المجال في كلية الهندسة.

يعني ايه ملكية فكرية؟

هي حقك القانوني في أي حاجة بتفكر فيها، تبتكرها، تكتبها، ترسمها أو تصممها .
يعني لو أنتجت حاجة، القانون بيديلك حق فيها بشرط إنك توثقها وتحميها.

ايه هي أنواعها؟

حقوق المؤلف

يعني لو كتبت، لحنّت، صمّمت، أو صورت حاجة، ليك حق تتحكم في استخدامها... زي إنك تسمح بالنشر أو العرض أو النسخ، أو تمنعه.



براءات الاختراع

يعني لو انت طالب واخترعت فكرة تقنية جديدة، ممكن تسجلها وتحصل على "براءة اختراع"، ومحدش يقدر يستخدمها من غير إذنك.



العلامات التجارية

هي اسم، لوجو، رمز، أو حتى تصميم يميز منتج أو خدمة عن غيره.

